



۷- نامق کمالدن سچمه شعرلر

وطن تور کیسی

ایشته عدو، قارشیده حاضر سلاح،
آرش ییگیتلر وطن امدادینه!
آرش ایلری آرش، بزمدر فلاح،
آرش ییگیتلر، وطن امدادینه!

جمله مزك والدہ مزدور وطن،
هر کسی لطفیله اودر بسله یین؛
باصدی عدو گوگسنه بز صاغ ایکن،
آرش ییگیتلر، وطن امدادینه!

یاره نشاندر تننه اُرلرک،
موت ایسه صوڭ رتبه سیدر عسکرک؛
آلتی ده بر، اوستی ده بردر یرک
آرش ییگیتلر، وطن امدادینه.

بکجی تور کیسی

آرقداشله چیقدم یوله،
سلام ویردم صاغه صوله.
استانبولده غاز ماز یوقدر،
چاتما یالم قره قوله.

رمضان ویردی شهره فر،
ماهیه لاندی هیپ جامعلر.
کاتبلر حقّه یوز طوتمش،
بر ماهیه* آلق ایستر.

*mahiye: ücret, bahşiş.



وطن شرقیسی

قان ایله قیلیچدر گورونن بایراغمزده؛
جان قورقوسی گچمز اووه مزده، طاغمزده؛
هر کوشه ده بر شیر یاتار طوپراغمزده.
غوغاده شهادتله بتون کام آلیرز بز.
عثمانلیلرز، جان ویرر، نام آلیرز بز.

طوپ پاتلا سین، آتشری اطرافه صاچیل سین؛
جنت قایسی جان ویرن اخوانه آچیل سین.
دنیا ده نه بولدقکه ئولومدن ده قایچیل سین؟
غوغاده شهادتله بتون کام آلیرز بز
عثمانلیلرز، جان ویرر، نام آلیرز بز.
نامق کمال